



Broj: 01-1-16-3-1575-15/17

Mostar, 25.10.2017. godine

Na osnovu člana 56. Zakona o hrani („Službeni glasnik BiH“, broj 50/04), člana 61. Zakona o upravi („Službeni glasnik BiH“, br. 32/02 i 102/09), člana 70. stav (1) Zakona o javnim nabavkama („Službeni glasnik BiH“, broj 39/14), člana 27. Pravilnika o javnim nabavkama (broj: 01-1-02-3-86/15 od 23.01.2015. godine), shodno prijedlogu Komisije za provođenje postupka javne nabavke *Laboratorijske usluge ispitivanja kvaliteta meda na tržištu Bosne i Hercegovine*, direktor Agencije za sigurnost hrane Bosne i Hercegovine, donosi:

## **ODLUKU**

### **o izboru najpovoljnijeg dobavljača za Laboratorijske usluge ispitivanja kvaliteta meda na tržištu Bosne i Hercegovine**

#### **I**

Prihvata se prijedlog Komisije za provođenje postupka javne nabavke za Laboratorijske usluge ispitivanja kvaliteta meda na tržištu Bosne i Hercegovine. Dobavljač JZU Institut za javno zdravstvo Republike Srpske, Jovana Dučića 1 78 000 Banja Luka, izabran je kao najpovoljniji, iz razloga što je ponuda ponuđača ocjenjena kao kompletna i prihvatljiva a u skladu sa postavljenim kriterijem najniža cijena tehnički zadovoljavajuće ponude.

#### **II**

Okvirni sporazum za javnu nabavku usluga dodjeljuje se dobavljaču iz tačke I ove Odluke, sa ukupnom cijenom ponude u iznosu od 12.038,40 KM bez PDV-a.

#### **III**

Predmetni postupak nabavke proveo se putem otvorenog postupka. U predviđenom roku za prijem ponuda (24.10.2017. godine do 13 sati) u Agenciju za sigurnost hrane Bosne i Hercegovine su zaprimljene 2 (dvije) ponude.

Obavještenje o nabavci je objavljeno na portalu javnih nabavki broj: 365-1-2-22-3-42/17 dana 2.10.2017. godine i u „Službenom glasniku BiH“, broj 72/17.

#### **IV**

Ova Odluka objavljuje se na web stranici Agencije za sigurnost hrane Bosne i Hercegovine [www.fsa.gov.ba](http://www.fsa.gov.ba) istovremeno sa upućivanjem obavijesti ponuđačima koji su učestvovali u postupku javne nabavke.

#### **V**

Obavještenje o dodjeli ugovora i Izvještaj o provedenom postupku nabavke će biti dostavljen Agenciji za javne nabavke Bosne i Hercegovine u skladu sa članom 74. i 75. Zakona o javnim nabavkama („Službeni glasnik BiH“, broj 39/14).

## VI

Ova Odluka stupa na snagu danom donošenja.

### Obrazloženje

Odlukom broj: 01-1-16-3-1575-3/17 od 29.09.2017. godine pokrenut je postupak javne nabavke usluga pod nazivom: „Laboratorijske usluge ispitivanja kvaliteta meda na tržištu Bosne i Hercegovine“.

Komisija za provođenje postupka javne nabavke imenovana je Odlukom broj: 01-1-16-3-1575-2/17 od 29.09.2017. godine.

Postupak nabavke proveden je putem otvorenog postupka. Shodno Odluci o pokretanju nabavke procjenjena vrijednost nabavke bez PDV-a iznosi 12.820,00 KM.

Obavještenje o nabavci objavljeno je na portalu javnih nabavki broj: 365-1-2-22-3-42/17 dana 2.10.2017. godine i u „Službenom glasniku BiH“, broj 72/17.

U skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15) Tenderska dokumentacija objavila se u sistemu „E-nabavke“.

U skladu sa Tenderskom dokumentacijom i Obavještenjem o nabavci dana 24.10.2017. godine sa početkom u 13 i 15 održano je javno otvaranje ponuda.

U predviđenom roku za prijem ponuda (24.10.2017. godine do 13 sati) u Agenciju su zaprimljene 2 (dvije) ponude kako slijedi:

1. JZU Institut za javno zdravstvo Republike Srpske,
2. Grupa ponuđača (Institut za vode d.o.o. Bijeljina i SP Laboratorija a.d Bečej) - predstavnik grupe ponuđača Institut za vode d.o.o. Bijeljina.

Po završetku javnog otvaranja zapisnik sa otvaranja ponuda je potpisan te putem fax-a isti dan poslat svim ponuđačima koji su dostavili svoje ponude. Komisija je u punom sastavu na zatvorenom sastanku izvršila pregled i ocjenu ponuda.

Pregledom dostavljenih ponude Komisija za nabavku je utvrdila da su ponude ponuđača dostavljene na propisan način, da su omotnice sa ponudama ispravno zatvorene, te da su ponude uvezane i numerisane u skladu sa zahtjevima iz tenderske dokumentacije.

Komisija je izvršila pregled, analizu i ocjenu traženih i dostavljenih dokumenata na osnovu kojih se utvrđuje postoje li razlozi isključenja ponuđača, kao i analitički prikaz traženih i dostavljenih dokumenta u svrhu ispunjavanja svih uslova shodno tenderskoj dokumentaciji, kao i analizu ponude vezana za ispunjenje zahtjeva u pogledu opisa predmeta nabavke i pregleda obrasca za cijenu ponude. Nakon izvršenog pregleda Komisija je jednoglasno konstatovala sljedeće:

Ponuda ponuđača JZU Institut za javno zdravstvo Republike Srpske je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude te je utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.

Ponuda Grupe ponuđača – predstavnik Institut za vode d.o.o. Bijeljina nije kvalifikovana i nije prihvatljiva iz razloga jer navedeni ponuđač nije dostavio dokaze tražene tačkom 8 b) Tenderske dokumentacije.



Iz navedenog razloga ponuda Grupe ponuđača (Institut za vode d.o.o. -predstavnik grupe) se odbacuje na osnovu člana 68. stav. 1. i 68. stav (4) tačka h) Zakona o javnim nabavkama („Službeni glasnik BiH“, broj 39/14).

Shodno svemu naprijed navedenom Komisija je jednoglasno ocijenila da je ponuda JZU Institut za javno zdravstvo Republike Srpske sa ukupnom cijenom ponude sa ukupnom cijenom ponude u iznosu 12.083,40 KM bez PDV-a (sa uračunatim popustom od 20%) u okviru procijenjene vrijednosti nabavke, kompletna i prihvatljiva te da sadrži sve elemente tražene Tenderskom dokumentacijom.

Ovom Odlukom prihvaćen je prijedlog Komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocijenu prispjelih ponuda kao i da je izbor najpovoljnijeg dobavljača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

### **Pouka o pravnom lijeku:**

Protiv ove Odluke može se izjaviti žalba ugovornom organu najkasnije u roku od 10 (deset) dana od dana prijema ove Odluke na adresu: Kneza Višeslava bb, 88000 Mostar, u pisanoj formi u tri primjerka.

**DIREKTOR**

mr. sci Džemil Hajrić, s.r.

### *Dostaviti:*

- *JZU Insitut za javno zdravstvo Republike Srpske,*
- *Institut za vode d.o.o. Bijeljina Miloša Obilića br. 51., 76300 Bijeljina,*
- *www.fsa.gov.ba,*
- *u predmet,*
- *a/a*



Kneza Višeslava bb, 88 000 Mostar, Bosna i Hercegovina  
 Кнеза Вишеслава бб, 88 000 Мостар, Босна и Херцеговина  
 ☎ + 3 8 7 3 6 3 3 6 9 5 0, ☎ + 3 8 7 3 6 3 3 6 9 9 0  
 www.fsa.gov.ba, E-mail: agencija@fsa.gov.ba

